

宋詩紀事補遺

宋詩紀事補遺卷之五十九

歸安陸心源

黃治

莆田人紹熙元年進士人稱岳陽先生

上黃州太守

威稜赤壁千尋峻德量黃陂萬頃寬輿地

紀勝

林伯春

晉江人紹熙元年進士

藍溪

羊腸路入最高峯倦倚東風點瘦筇芳草有情春意

遠青山依舊暮雲重新來梵閣添奇觀前度詩人帶
老容寄我此身天地裏夢回林杪一聲鐘

泉州府志

余復

字子叔福建甯德人紹熙元年進士第一寧宗
卽位充實錄院檢討官箸有禮經類說左氏纂
類詩文集

和御賜登第

風虎雲龍豈偶然信知盛世士多賢虞庠教育蒙深
澤漢殿諮詢愧首延釋褐遽沾瓊宴寵錫詩齊聽玉
音宣愛君憂國平生志敢負周王宴樂篇

金鰲橋

吾聞三山妙天下靈鰲背上羅高峯山環水繞龍虎
伏人在縹渺烟霞中

報恩寺

大山奔到海之濱中有輝光佛刹新前後一二三皆梵
侶不知誰是報恩人

瑞峰

海上一峰高插天山頭眼力窮大千飛來鴻鵠下霄
漢掩翼縮足今三年

仙霞嶺

二十年前過此間旅囊羞澁筆頭慳時來山色與人
好我亦詩腸似海寬舊事消除身後夢新聲慚愧路
旁官乘車衣錦渾閑事留此功名竹帛看

文筆峰

一飛一飛知幾時斗酒落魄誰共知胷中造物飽星
斗筆下文字盤蛟螭

西陂

涉海波濤險登山足力疲胡爲赤鑑遊海角山之涯
崎嶇亂石間况復乘船危茲遊固有意訪古傷今時
荒陂存遺跡缺處十丈餘父老向我言先疇爲農師

當時大父行相與築此堤堤成百物豐師承及見之
稻蟹不論錢況敢論糠粃一朝壞不修驚心傷鼓鼙
田家歲作苦土狹何由支憶昔禾黍地石水數斗泥
前功嗟已廢繼者今其誰曾聞部使者詢問及故基
水利固可究具文恐徒欺又聞勸農吏楚楚多奇姿
朝遊暮始還山水窮清暉有念不及此但見冠蓋飛
公家急相歛星火驚文移農無地可耕歲入何從規
今幸長官賢願言拯我饑作書白太守經營得如茲
珍重父老言豈爲兒童戲皇華如觀風此老誠可資

徐次鐸

字仲友一字文伯東陽人紹熙元年進士又試宏詞科嘉定三年知常熟縣嘗倣周禮作漢官又作唐書傳註補註音訓三百卷又作唐書釋謬辨謬十卷又箸中興兵房事類以三衢倅遂寓法輪寺著書終老不倦見東陽志

極目亭

舊名望湖

幾點歸舟破暮烟數行雁字落霞邊世間安得王摩詰爲寫琴川作輞川

琴川志

汪楚材

字太初又字南老休甯人紹熙元年進士師朱
子仕至承直郎湖南安撫司幹辦公事轉廣西
運司幹官

方壺別墅

面面軒窻好溪山不待招清風脩竹徑細雨綠荷橋
地僻人烟少天恢景象饒襟懷無一事終老樂簞瓢

新安文獻志

曾煥

字少卿吉州吉水人紹熙元年進士嘉定七年
爲祕書郎八年爲著作佐郎官至廣西漕

將漕廣西召還過浯溪

元頌顏書山谷詩還鐫我宋中興碑慤勤三讀重回首萬口口口江渺瀰湖南通志
金石畧

曾漸

漸字鴻甫南城人鞏八世孫紹熙元年進士第二人累官至工部侍郎立朝有風節卒贈少師

謚文莊

登麻姑山

躡石捫蘿得得來人間塵累已忘懷行窮險道忽平地立看飛泉傾斷崖邃宇半依蒼木裏秀峯長是白

雲埋方平羽駕今何在欲會仙姑恨未諳

江西詩徵

度正

字周卿合州人紹熙元年進士累官禮部侍郎著有性善堂集十五卷

送別羅堅文

共席勝冠日分頭旣壯年許身要到聖論德未能賢歲月於何駐工夫在力肩有言堪記憶隨處是耕佃重違直亮友失入斗筲羣眇眇初晴日濛濛欲暮雲已荒三徑菊無柰萬家薰莫厭山中惡山中妙莫云

見性善

堂集

桂如箋

江西貴溪人紹熙元年進士嘉定十年以朝奉郎權知柳州軍州事借紫

廣西通志
金石畧

陽華巖

天作高山勢已空地開巖竇巧玲瓏卷成璆屋垂瓊珮擘破蒼崖澈玉虹雲氣擁如來座上塵埃飛不到亭中品題自有元郎句我輩聊書一笑同

湖南通志
山川

葉樞

仙遊人紹熙元年特奏名

遊武夷

孤臺起天半羣峯羅崔巍大王挺其間玉女相因依
上攀牛斗墟下窺鷗鷺磯神仙遙可接靈艸正秋肥
念此結綢繆豈謂賞心違浮雲亂幽壑明月流清輝
白雲淒以寒游子各言歸元鶴向我鳴秋風吹我衣
願借凌風翮送君西北飛

武夷山志

鄭瀛

字子山丹崖人紹熙元年特科仕終監南嶽廟
有丹崖八景詩

丹崖詩

丹崖之山丹氣浮葛洪老仙居上頭丹成一去幾十

載至今猿鶴生清愁丹井有泉石有撫流芳直與天地久我來問山山不知坐費山僧一盃酒

太平縣元

林岊

字仲山福建古田人紹熙元年特奏名嘉泰間知全州修復清湘書院與魏了翁友善爲之作記在郡九年多惠政

礮巖

嘗聞仙人渡海術授以尺杖如飛龍憑虛閉目不敢瞬波濤洶湧喧天風茲巖山窟飛海岸直掃一澗聲何雄暝行千步水入耳明探萬壑雲生胸嶽崖滴乳

芝玉脆剥穴噴水蓮腮紅神仙縹渺在何許心平意
定天爲通此行況復匪遊戲出門借問春耕農

青田巖

老鶴回翔去幾年至今巖壑此名傳攀躋分寸疑無
路飛入方壺卻有天白象綠獅呈怪石神泉深洞隱
真仙細看滴乳流脂處不是青田是玉田

廣西通志山川

陳嘉言

厲有

泉州晉江人紹熙元年特奏名

蔣洋道中望太姥山四首

問俗驅王事齋宮耐可期寒花明絳節孤月映摩尼

縹渺浮虛廊蒼茫弄晚曥三山如可接莫遣漢臣歸

其二

望裏仙踪渺烟霞滄海東逕迷丹竈外人轉大還中
虬偃干林日鸞吹一夕風停驂遲太姥藍水洗塵容

其三

絕巘雲霄外嵯峨杳靄間雲將山岫溼鶴伴月華閒
流水溪溪靜琪花樹樹殷攀躋猶未得清夢遶禪關

其四

層崖綠石澗孤樹聳危橋海色侵衣袂松風破沉寥
佛門苔蘚古山寺薜蘿饒回首斜陽外神仙未可招

福甯
府志

遊霍童

洞尋黃鶴白鵲峰過大童小童杖底泉聲滴瀝水邊
樹色空蒙

藤上老猿欲墮松間野鹿相隨苔蘚綠埋丹竈桃花
紅染金錘

瀑聲深澗淺澗峰勢烟籠霧籠彷彿身遊海上須臾
覺上山中

翠篠輕挑綠酒紫芝閒對黃冠半醉風迴鐵笛中宵

冷露瑤壇

福甯
府志

馮伯規

西崑人紹熙元年通判巴州軍州事

初至適郡講禊飲于江上夜歸賦此

身墜千峯不自知尙修故事水之麋眞居峻嶺崇山
下又過綠陰青子時幻出流觴共頃刻欵留歸棹展
娛嬉史君澹泊隨民樂先賦豐年一首詩一春不雨
余到官之日雨故未

繼而稍旱禱而復雨喜而作詩

連夕滂沱類建瓴送將涼意滿郊坰江邊草木太半
綠天外一峯無限青卻信神龍元解事豈容旱魃更

爭靈從今懷抱如冰釋閉閣燒香伴六經

次韻謝史提幹見和

呼得蜿蜒入小瓶便能飛雨挾林坰油雲頓失千山赤丹篆嘗騰一綵青漢節可眠知免曠仙祠屢扣信通靈欲同此樂君西去厯想三峨舊所經

次韻酬李通江

長官禱兩信精誠便覺豐年徧遠垌縹蟹齊頭絲卷白插秧隨手稻翻青行芻秣酒酣天祿益長香芽發地靈通江出茶故云守令愛民須表裏君其爲緯我爲經

觀漲

孤城如深村過客絕輪鞅江流卷初霽晚風納微爽
我來適幽懷新漲逸遠響汀沒鷗鷺翔牧罷牛羊上
郡古安陋樸事簡謝鞅掌小酌便陶然倚欄送輕漿

次韻泛舟仲秉有詩

且喜山城未傍邊漫從錦水學遊舡何時官裏真無
事是處壺中別有天豈復江湖增遠興強憑絲竹寫
中年接離雖醉無勞著恰要臨流揖望儂

次日遊西龕再用韻

倚闌一覽興無邊好舉尊前藥玉缸一水雲昏失羅
帶萬松風偃舞鉤天早評月旦參羣彥老上霜鬚近

十年解后登臨都樂事酣餘爭恐史君僊

端午前三日觀坡詩首夏官舍卽事因次其

韻

簾陰不捲漏烏遲數朶庭萱也自菲公退萬緣俱謝
絕心空一氣自知歸但期菽粟令民足未覺詩書與
願違聞旱問龍求一雨乘涼約客扣巖扉

登雲間閣

昔年嚴大夫偶來怨遷謫我本麋鹿姿得此已自適
乘閑陟上方徧尋唐人石豈期當三伏一天雲四幕
快哉風時來萬籟相呼吸兩餘禾麻潤是山皆喜色

一杯傾晚飲綠瓜間朱實是非不到耳休厭山城寂
樹影抹橫煙角聲暗落日長江去不返況此百年客
企首老王僊白髮何由摘

雨後觀漲

聞得江頭洶湧聲不知何處雨益傾兩崖牛馬那容
辨一夕蛟龍怒不平浪盡橫汀孤樹在微開頑翳夕
陽明儘饒河伯乘秋旺潦涸霜寒水自清

禱晴獲應喜而賦詩

才通香火上高穹雨腳隨收不見蹤豈但五民保狼
戾也緣造物相龍鍾連山柿栗難勝摘入市禾麻乍

出春一飽可期秋釀熟青山綠水卽過從

先期登高觀菊嵒新榜

先得重陽五日來清江晚景與人諧共搜磊磊落落
句要敵奇奇怪怪崖烏帽幾容羅此影黃花每喜近
吾儕山城酒熟渾無客一笑臨風寄老懷

次韻忠甫初見菊開

積雨曉放霽紅日照我帷起來步幽蹊金藥燉朱扉
芳姿自媚媚微香襲人衣令節無多日更宜擁培之
三徑豈不富最喜先開枝此意誰領解惟有淵明知
子詩正芳潤白露與俱滋未□泛杯酌且要滌甘肥

落英行可殼樂哉遂忘餓

游北巖

遙指蒙茸雲木堆入門小刹傍嵒隈放裏邱壑興未盡隔岸角聲招我回

歲晚倚欄

倏忽秋又盡明朝恰立冬細傾碧潋灔喜對白芙蓉
問信遲賓雁催寒有響蛩暝煙都不見聞得望口鐘

登賦詩樓

高樓無一塵適此半日閑請以老杜句賦詩榜其頽井邑各參差峯巒共回環歲月行且換星斗如可攀

不堪霜風勁未許酒膽慳祗緣期會急勿怪題詠難
所喜談聖賢大勝醉鬚纏倚闌遙夜寂一笑喧千山

次韻劉閩州謝送菊嵒春

山中有佳菊足以配古嵒飲酒對此菊何用薦芳甘
不妨玉山頰對卧千載楠清賞不可共妙句傳巴南
無題

暇時結客小春容路直重巖紫翠峯雲閣翬飛翼鸞
鳳石楠盤屈老虬龍林扉雨過便秋菊山寺風清度
晚鐘快展眉頭頷劇飲天開霽色不妨農以上金石苑

程準

有文名紹熙元年宣教郎知常熟縣

留題頂山上方

雨歇黃梅後秋生麥熟前偶同金馬客來訪玉龍泉
竹葉一樽酒榴花五月天不妨扶拄杖行到白雲邊

琴川志

張本中

字傳正長樂人紹熙初知陽山縣

賢令山

口口紫紆一徑深口看石壁起千音雨口口口來春
溜霧靄留空口畫陰坐對雲山開遠眼靜諳泉石會

幽吟山陰東武定何口妙趣何曾間古今

廣東通志

錢文子

字文季樂清人紹熙壬子以兩優釋褐歷官吏
部員外國史院編修官宗正少卿

次韻李史君追悼雪巢先生

文龍竟復老汚池一笑應從造化期環顧室廬無長
物流傳人世有新詩殷勤池上相從處悽愴床前永
訣時更有後來賢太守遡風猶解挹清規

予爲台州

雪巢從予

飲池

上未幾病不能

天台

別之牖下

別編

徐綱

紹熙三年知江陰縣

白龍寺祈雨

萬木梢頭見塔尖道人於此卜幽潛深林六月風敲
竹古寺三更月入龕天旱蛟龍藏窟宅水枯魚鼈露
鬚髯我來赤日祈甘雨卧聽蕭蕭鴟屋聲

江陰縣志

袁聘儒

字席之建安人歸安籍葉水心門人紹熙四年
進士箸有述釋水心易說一卷官至浙東安撫

使

三高祠

功成但可將身去逃難安貧適所遭三子有靈應共
笑一時何意故爲高續吳都文粹

張次賢

字子齊仙居人紹熙四年進士通判臨安府終
左司諫

山居雜興

深林樹色翠重重一枕蘧蘧蝶翅濃好鳥昨啼驚夢
覺可入山色入簾櫳宋詩拾遺

張灝

遂寧人紹熙四年進士慶元中知雲安軍民安

物阜題四并臺有詩

羅蓋山

道蓋原非蓋言羅不是羅只因山突起箇箇盡如螺

施南府志

水簾詩

并序

僕旣與子應賦觀瀑詩矣頃之雨定瀑小疏爲水簾驚變態之不窮也復記此詩

朝來雨急飛瀑雄黑雲壓屋江挂虹晚來雨定瀑亦小散作水鏤鏘簾櫳垂簷初似玉成綴觸石但見珠跳空嗟哉山泉一物耳朝態莫狀不爾窮乃知造物

解戲人千變萬化頃刻中吾恐文章一如此好把泉
源驅筆鋒

夔州府志

董煟

煟字繼興號南隱德興人紹熙四年進士知瑞
安縣改辰溪值歲饑荒政備舉進所撰救荒活
民書宦宗手勅褒之有南隱集

董端公墓

從來正氣關天地扞禦功成死不妨守土忠貞唐許
遠埋輪節概漢張綱麒麟高冢閒金盨貢豐碑重
玉堂曠代衣冠誰解識令人終古泣斜陽

江西詩徵

戴蒙

字養伯永嘉人更名埜登紹熙進士調麗水尉
棄官從朱子于武夷

南溪暮春

家住南溪欲盡頭茂林脩竹幾清幽菰蒲漲綠蛙專
夜樹葉吹寒麥半秋修禊從教非節物舞雩元自有
風流明朝酒醒春猶在更向長潭上小舟

溫州府志

程應申

字及父江西樂平人紹熙中進士累官都昌縣
歲大祲所活甚多擢倅隨州

清心堂爲余宰題

靈臺元自與天通一點塵飛失太空六鑿爾時俱偃
息入窗何處不玲瓏公田有秫猶難色暮夜無金郎
直躬要識此中清入妙也忘堂上古絲桐

樂平縣志

仲權

紹熙中祕書省正字知宜章縣

野石舗

夏夜渾如天氣清夢回風露濕桃笙漸忻月色兼山
色所憾蛙聲亂水聲

郴州總志

卜祖仁

宋詩五十九
紹熙時嘉興人

陳山龍湫

陳山蒼蒼東海頭石壁裂缺藏靈湫老髯出水歛萬丈青山倒挂黃金虬神光上騰接烟靄挾子攫珠浴滄海雨公載雨推雷車闔闔門開叩眞宰今年亢旱民罹殃我疾悶悶心若傷精誠披露動寥廓沛然甘澤來滂滂侯今官轉吳興去回首神峯隔天宇願言變化從雲龍大爲蒼生作霖雨

宋詩
拾遺

歐陽希遜

紹熙時人

題睢陽五老圖

厚德良多積善根賢才他日在兒孫當知相里非凡
壻豈有陳平久席門五老繪圖千載譽羣公詩禮百年存憑君挾取傳家學青史賢良有後昆書畫
集

章師古

紹熙時東都人

留題石堂院

何處足清涼山南古石堂溪沙留虎跡水影上僧房萬景因深僻無人爲發揚侵苔寫澁句筆凍不成行

苑金石

尹德鄰屬有

紹熙中人

送錢文季赴班

鰲頭那久幕蓮間國子先生促趨班元自胷中有奇
觀須教集裏富江山三年再見雖成別正月諸生亦
入闈爲賦江空歲年晚功名惟恐鬢毛斑

載江綱

賀曾幼張中漕舉

官樣文章曾靖州計臺一鶚再橫秋雖爲竹使年殊
少要續荷囊意未休丹陛行尋螭陛舊清香仍裏桂
香浮二千石掃三千字千載江西作話頭

又

壽曾搏齋七十八

先生雖老正康強紫綬金魚兩鬢霜椿幹豈因更節
健松江自飲菊潭香方過一百盲省歲尙有八千年
壽長微福定從勾漏令丹砂問了卻分嘗又

倪德元

紹熙時人

釣魚磯

宋光宗紹熙辛亥歲清明後一日

句

闕二

以文會友真足樂寬我老懷百歲憂盍簪況乃

句

闕二

席闕四字

注黃流闕四字

擊鼉鼓滿酌玉筍羅珍羞

溪迴斷岸顛崖出千仞插天如立壁信知神禹疏鑿

功懸溜黯然長湛碧波光
照影肝胆寒嵐氣逼人毛

髮立第恐喧呼鳥雀驚

闕三字

行隨湍急

闕五字

桃花徘徊

一望朝霞赤疑有秦人住洞天

闕一字

來艤舟擣酒

入花洞

闕三字

落紅

闕一字

鋪萬里

闕三字

家童採山

闕一字

穀蔌稚子屬文資戲劇須臾嶺頭新月上歸棹將詩

寫岩石春光都來無百日憂愁風雨十居七古今會

合不易得邂逅

闕一字

今成昔郭君退翁世

闕一字

賢我欲從之終吾年年與君來載酒此樂人間豈

常有

郭履字退翁

安慶府志

徐安國 脣有

挽呂東萊二首

師友曾亡幾南軒足舊聞嚴陵忻請益荆渚黯臨分
慟哭情方切招魂志愈勤幡然均地下應與共修文
感涕門闈舊由來豈苟然茶山參活法婺女拾殘編
記錄書猶在忘言意已傳續燈身後事先是有同年

橫浦樓

暑風披拂瘴烟收獨倚危樓豁遠眸萬疊山圍城堞
古一灣江抱海槎浮

龍池

爲谷爲陵事已非靈源匯澤發光輝有時風雨連村

暗夜半龍游古鉢歸

廣西通志山川

登古鉢嶺謁慈感祠下

羣嶺中推古鉢尊山川羅列掌中存亭臺突兀聖婆廟丘垤逶迤山子村

寶華山

秀出城南號寶華翠微深處衲僧家百年臺殿歸煨燼一徑蒼苔晚落花

句

古辣觴客醉寶華鐫句清

句

出郭扶筇上翠屏，卻從雲隙望莎城。

以上輿地紀勝

陳機

字介行泉州晉江人兄朴紹熙元年進士機學問該貫尤長於詩寫情咏物若不經思往往出

人意表

讀易

從此不除窓外草要觀天地發生心

又

須信生生是真意疎籬依舊竹生孫

泉州府志文苑

達里庵

抖擻塵埃上翠微石泉佳處掩柴扉道人不識人閒事
啼鳥聲中看落暉

示春
州志

黃瑄

字漢珍羅源人紹熙庚戌進士官衡州通判

省墓詩

長因風木起悲酸省墓歸來痛忍言雖得青衫聯子
貴深慚白髮負親恩璜溪猶有家居舊蕭寺尋來手
澤存墨跡依然逾二紀摩娑塵壁黯銷魂

羅源
縣志

宋詩紀事補遺卷五十九

男內閣中書樹屏校

宋詩紀事補遺卷之六十

歸安陸小源伯剛父輯

虞儔

紹熙中以朝奉大夫直祕閣知湖州慶元二年
改婺州有尊白堂集

仲南直學太夫人尊壽八十一適與余老人

同庚至壽日以綠橘眉壽春爲壽小詩代簡
洞庭霜橘遺分珍以侑西山眉壽春酒名此日吾親應

念我請君歸遺太夫人

以長慶集送潘接伴

樂天長短三千首唐室聲名四百年大字正堪遮老
眼向來刻畫恐無傳

余在吳門再刻此集

妙處由來識者難詩盟千載不應寒牙籤縹帙重拈
出付與詩人仔細看

林子長見示悼鶴之詩若不能釋然者因次
韻以廣其意且于鶴不能無責焉耳

君家青田姿兒之毛骨寒方當秋露警遽迫夏景殘
年來縱飲啄意外失防閑誰歟不具眼斃之于汝安
竹林有餘蔭荷塘豈不寬正坐出門誤寧虞行路難

因思出處理士君子惟艱方其窮居時孤迷無還丹
山林欲長往鍾鼎夫豈慳一朝隨書至倏若登天翰
肉食無遠謀伐檀譏素餐失身墜戮辱無乃伎與姦
逐兔牽黃犬東門那得還竟死咸陽市慟哭何辛酸
丹塗布衣願恨不刪與營富貴履危機悵望扶搖搏
世事不墮甑天理眞循環向來京口銘俯仰成悲歡
世無薛公筆想像付永歎

和萬元亨舍人送葵實

吳興漁稻鄉來祝刺史印適丁饑饉後倉廩無餘蘊
當饋不下嚙甯望饌中雋年來稻如雲便覺搖其吻

豐年百物熟天意毋甯斬君侯有佳惠芡實粲光潤
東山願不違南蕩居其近此物舊知名南蕩鷄頭有名採擷
手自引剖蚌訢珠還泣蛟疑淚迸軟溫新剝肉餉鉶
初嘗醞遺我水之濱此意君其問

偶食雞頭有懷萬元亨沈德遠林子長橫塘
三主人

秋風一熟平湖芡滿市明珠如土賤昔也兼名鴻雁
頭今茲如識胡孫面主人謂雞頭作胡孫面者佳應須我輩勝簪
語會有後人來作傳橫塘地主總好事凌波不過空

三點

罷郡遊何山

尋山多勝概輶棹偶留連南浦渾無緒東風忽放顛
蹊成桃李退人去蝶蜂喧氣味餘禪榻煎茶竹裏煙

朱天承示僕二詩蓋有激而云者因用其韻

以廣之

是非得喪一豪輕巒觸何勞角上爭未可輕量天下士渠知不是殼中英平生我亦輕餘子到處君安得此名勿對秋花歎憔悴春風回首又欣榮

彈鋏悲歌莫浪嗟筆耕心織是生涯區區子豈癡摹虎事事吾猶錯畫蛇不分縮頭真類鼃苦嫌怒目幾

遭蛙憑君試讀山君傳鶴豈能言爲嫉邪

夜坐書襄二首

看鏡功名不用頻醉鄉
境界幾由旬何妨走馬來爲問
縱未成龍亦有神生計一絲甯挂眼
閒居百事不如人驚鴻亦有高飛意姑傍花前過卻春

夢覺誰呼小玉頻分燈魔女笑波旬暮年禪悅渾知味
少日文章豈有神赤腳玉川容老婢綠珠金谷漫佳人元冥不是梅花主
閑盡南枝付與春

述情

與蕭東夫相別幾二十年矣此來假守吳興

而東夫令嗣監酒赴官池陽迎侍以行舟次
城下遂得一見小詩述情

間闊忻逢諸葛豐不應阮籍苦途窮擬留重客傾家
釀更喜賢郎有父風詩思憑陵烟雨上宦情抖擻簿
書中擊解下舍聊乘興未許黃堂舍蓋公尊坐人

胡長卿

紹熙甲寅以□□寺丞爲廣西提刑慶元元年
廣西都轉運使

戲次經畧煥章千葉梅元韻淵西有重萼黃
香兩種梅頗相類句中因及之

天憐素質太柔輕不柰西風雪片凝故與紅顏如美玉尙餘清影似寒冰黃香僅可追多葉重萼堪憐只兩層欲問園官分此貼宜樓深遠蘿難膺

禁煙日陪經略煥章丈遊白龍洞得所賦新詩次韻以呈

懸崖恆石水潺潺宣有神龍隱此間窮勝不妨穿險洞尋春那止看羣山攀龍行卽天邊去躍馬聊同野外還好景良辰適相會一尊且共水雲閑

廣西通志金石

火山嘉魚

聞道嘉魚出火山我來那得一鱗看

輿地紀勝長卿過梧州火山客有
談嘉魚之美者長卿有詩云云

容州聞雁

舊聞雁不到衡陽今復南飛入潭鄉天濶隨陽皆可
去亦應爲界限瀟湘

輿地紀勝胡長卿過容州以南連夕聞雁
舊聞雁不到衡陽及到鬱林圓經云禽有
雁則知雁亦到此

滕琪

字伯真南都人紹熙中宜章令

紹熙辛亥六月中伏日出郭觀稼小休野石
讀仲權正字壁間所題詩因次韻並刻巖石

以慰邑人去思不忘

稻香靄靄暑風清下馬傳觴聽水笙父老指詩懷舊
尹爲鐫巖石記心聲

身傍蓬萊近紫清巧言一出忽如笙竽今家食應無
恙書倩衡陽雁寄聲

湖南通志
金石畧

周英糾

富川人進士官御史上攘胡匡夏疏弗用時壽
皇大漸光宗不問疾英糾同直班御史入諫不
聽遂免官歸隱於穿石巖號拙林道人以養真
煉神爲事

穿石巖

極判以來不記年斯巖體朴本渾然鑿開混沌鴻濛
地透見明通公溥天老夫投林得幽趣因來枕石聽
潺泉時烹山茗供清興猿掛枯藤鶴避烟

富川縣志

俞激

字子清號且軒吳興人以伯祖俟蔭入仕中刑
法科累官福建檢法光宗時爲刑部侍郎除大
理卿慶元中知常德府官至刑部侍郎卒年七

十八

慶元三年以職事至零陵訪澹岩

傳聞此地稀來爲細搜奇眩眼珠泉滴擡頭玉乳垂
虛明天廣大重疊石參差坐久衣襟潤聲齦語笑隨
幽深多怪巧高下複逶迤歷覽仙真蹟難酬太史詩
自然千古意形詠愧蕪詞零陵縣志
金石

邵津

字元通金華人東萊門人

挽呂東萊先生

高厚感易極學成功未施彼蒼胡用問吾黨竟誰資
道在漫今昨人間忽喜悲百年總埋玉千古敬豐碑

邵浩

朝請大夫知衡州江山縣

挽呂東萊二首

三相流風遠諸孫氣貌舒有文皆錦繡不琢自璠璵
樂育心無類何言意已撫撫衣多戶履四海讀公書
道統傳于載儒風振一時心誠師孔孟業廣慕臯夔
感鳳方興歎書麟尚措辭一朝梁木壞吾黨可勝悲

黃鶴

希子字叔似宜黃人自號牧隱箸有補注杜詩
光宗時人有集名北窗言

遊石碧

嶺巖古壁聳千重壁壁藤蘿綠蔭封烟密難遮穿澗水風吹不斷入雲鐘青山隔洞雙排嶂落日歸巖半桂松醉劇尙餘清事在曉霞光裏品諸峰

宜黃縣志

胡餽

廬陵人銓之孫宋史附銓傳

贈劉升之鰲龍巖

東望遙山西舜宮山人名姓不求通蟄岩側畔蘧廬子卽是巢由住箇中

宋詩拾遺

胡圭

字象德號梅山江西瑞州人

入山

擺落世塵縛願結巖栖緣一層復一層古道多迴旋
白雲隨我後幽鳥鳴我前雲禽亦佳侶一見卽忻然

春行南村

鳥語知春晨晨起行阡陌雨晴氣已變崖澗嵐猶積
雜花林際明新水田中白時逢耦耕人問我將何適
山池

鑿山成小池貯茲一泓綠參差散石髮清淺浮碧玉
光風時動搖漣漪細相續我常邊池行衣無塵可濯

宿蔣庵

松色聳寒青雲庵夜未局行吟滿林葉坐聽一僧經
江獺鳴如鬼山燈遠似星自能消冷漠不用酒盈瓶

以上宋詩拾遺

衛博

字歷城人厯官樞密院編修官著有定庵類藁

送楊舒州

我昔懷軍書西行盡淮泗是時敵方張長江飲渴驥
愁將何一律兩地一朝棄川原厭膏血關山接烽燧
巋然舒子國屹立于戈地中有袞襦民未可文法治

瘡痍待良藥天子念循吏誰厭承明直雅是詩書帥
淮揚君肯薄吾邱世寡二正須烹鮮手往述羨魚意
前驅逐炎熱弭節及涼吹朝衙百吏散閉閣有餘致
臨州古云樂此理敢輕議近聞今單于已遣朝正使
公師杜征南郡得漢龜遂里廬息愁歎扞牧殆餘事
政成多暇日寄我千金字淮魚秋正美灊山日空翠
匹馬不作難爲公十日醉頗見有此客要使州人記

贈王君用求畫小屏

先生本是談天口雲夢胸中吞八九一邱一壑未忘
情得之於心應之手分裂玄圃翻瀟湘鬼神夜泣蛟

龍藏興來入極渺揮灑陵奪萬象歸微茫十日一水
五日石千年王宰今相識已知相識意相親異時直
恐空相憶跨鯨挾矢滄海游袖無韞屬無乃羞促迫
能事吾豈敢激昂浩興君應酬崩崖壓牀浪翻屋咫
尺端將萬里蹙我生有意水石間枕漱須君一屏足

次何友直韻

野棠隄柳固依然無奈輕寒濕暝煙鶯語忽忽無意
緒花時寂寂廢詩篇曉來洗出天容靜空外吹殘雨
腳連春色便須同檢校已隨流水半涓口

次韻王大光見贈

頭角崢嶸冠八龍相逢宛馬昔從東披懷一笑交情
重轉眼三年世事空浪迹偶登君子里歲寒今見古
人風新詩欲報非瓊玖涉獵由來愧呂蒙

送江南聞秘校

胸中逸氣凜橫秋爽珠璣落九州堪歎羣兒自相
貴如君百戰未封侯相逢不啻平生舊一笑還從汗
漫游好去慇懃護行李要看鯨海試吳鈞以上見定庵類藁

鄒輓

字孝行一字行之平江人朱子帥長沙道經平
江輓謁之教以取四書讀之於立身宅心自有

得輓歸取論語讀之恍然有悟自謂得朱子之傳著有自樂軒集

道謁朱晦庵先生

武夷洞前皎月生
歸人近得坦途行
陰霾滌盡無纖翳
遠徹乾坤一樣明

野意淒涼遠俗情
出門一笑亂山青
癡兒白晝猶鼾睡
可是無人會喚醒

謁毛竹問先生

不辱其身不辱親
要明聖學盡人倫
豈爲媚世文章士
養就中和萬古春

題讀書林

諸君著意讀書林好去薦魚箇裡尋不必浪浮空記
誦且須識取各人心

山居寓興

花陰不正月將西欲到溪邊步懶移坐對前山無一
語此心惟有古人知沅湘者
舊傳

李誠之

字茂欽東陽人東萊呂成公高弟也登賢書第
一人太學選復第一慶元初釋褐爲饒州教授
幹辦福建安撫公事帥憲採輿論荐之除刑部

架閣轉工部擢國子學錄通判常州改知郢州
移知蘄州卒特贈朝散大夫祕閣修撰追賜紫
金章服封正節侯立廟于蘄

咏松

半依岩岫半雲端獨立亭亭冒歲寒一事頗爲全節
累秦時曾作大夫官

東陽縣志

陳曉

字日華慶元初知汀州爲治精明置田贍學惠
政甚多

汀州

嘗聞元豐間元輿守茲土別乘果爲誰青山郭功甫
二公德望尊聲名播今古

與地紀勝

李興宗

字似之婺州人大有孫慶元元年通直郎知無
錫縣寶慶元年修職郎常熟主簿累知嵊縣著
有恕堂遺文十卷

觀八陣圖有感

江從岷來觸瞿唐夏潦潰裂怒勢張霜濃水落洲渚
露壘壘江石堆作行半斜半直半疎密方營周匝門
東出相傳呵護有鬼神驚波不能移寸尺想見當年

諸葛公綸巾羽扇揮秋風令嚴部伍菽如水出沒變
化機無窮乾坤不足當經理寫留古法艮岑趾上灘
下峽一千年多少英雄測元旨小兒元子强多知常
山蛇勢吾能窺灞上枋頭真絕倒空使虬髯論握奇
斷輪不可傳其子此公天機緘骨髓柰何蟻蝗生蝮
蝎炎劉已灰吹不起天教三馬食一槽老馬驟嚼暫
咆哮渭陽巾幘勢將蹶大星夜隕西軍號嗚呼興廢
盡天意中原□□□□□骨肉止相殘欲拯塗
炭嗟誰使大官酣燕芻豢餘小官跼蹐塵埃裏舉目
厭厭九泉人誰訪草廬談世事向來韜略機莫投而

今投機欠良籌君不見峽山深深茅舍底有人抱膝

高聲謳

夔州府志

劉坦之

字平子湖州人慶元元年朝請大夫知台州累
官湖北路提舉常平茶鹽見赤城志

辭靈康廟留題

時赴湖
北憲

木落天高廟妥靈去來潮汐繞山青年登民俗饒怡
樂海近蛟虬入杳冥萬里一身頭旣白清樽三奠德
惟馨出門更合燒沈炷青草連雲接洞庭

天台別編

陳謨

字中行泉州人慶元二年進士除國子正祕書
省正字通判鎮江改汀州號可軒箸有經史管
窺子晉接紹定進士理學

淵源

送程傳叟赴官臨海

金華仙伯歌儒久休父仍孫斂板遲堂下言高體蔑
惡官口事了傅咸癡苦心纔覩千年翰垂翅新翻六
月池接浙中山聽餘令徵黃勅使立多時天台
別編

連三益

字叔友福建安溪人傅伯成奇之妻以女慶元
二年進士知沙縣爲政明簡庭無留訟及去民

遮留千數倅廣州受訓于伯成盡卻餽例人服
其清再倅紹興未上卒

蓬萊山

蓬萊一境最奇哉門外坑流傍石隈巨竹不知何日
裂喬松總是昔年栽石移莫匪神功運巖築更無山
鬼來料得眾僧行道處天花馥郁遍蒼苔

泉州府志

楊夢信

夢信廬陵人慶元二年進士官朝議大夫行國
子監丞端平乙未知興化軍

鄉禪嵩老集古人佳句成詩編成巨帙以示

余欽歎不足輒賦二絕率然悚仄
胸中歷歷古人詩妙用縱橫自一機管得杜韓驚且
泣爛斑要作百家衣

學詩元不離參禪萬象森羅總現前觸著見成佳句
子隨機釘餌便天然

江西詩徵

錢厚

厲有

寄鍾子充

倦倚吳門思沈寥懷人清致滿詩瓢池塘芳草夢初
斷風雨落花道正消一百五日寒食節二十四浦春
江潮遙知藥圃晚經斷舍後蘆蕪添綠苗

吳都文粹續集

張訢

昆陵人慶元二年進士紹熙間知福建順昌縣
光澤縣官至廣東提刑嘗于境內倣社倉法以
濟里民及中下之家生子不舉者附倉列屋以待
行旅疾病無依者朱子爲之記

奠謁曲江墓

中興創業兩興唐遺烈誰如魏與張笏在孰知囊可
寶書成未覺鑑今亡輿地紀勝

黃夢攸

字伯荀福安人慶元二年進士從議郎池州計

議官處事端飭民便之

獅子巖

蛟龍躍獅子吼頭角崢嶸精神抖若問破天荒還我

霹靂手

福甯府志

程壬孫

仙井監人慶元二年進士爲射洪令利興弊革
更令漢源後遷雅州僉判卒於官與弟遇孫極
相友愛時多美之

題龍巖寺文與可怪石墨竹

風雨勞先別敢辭樽酒深一梢牆上竹留作歲寒心

贊州直
贊州志

王午

四川廣安人慶元二年進士

游王官谷

耐辱幽人不願名一邱一壑遂高情門前流水無冬夏想見先生到骨清山西通志

曾表勸

贊州人慶元二年進士

妙庭觀

小溪一曲繞山綠虎遶龍蟠記丹熟空想雲輶佩玉

鳴夜深屋角風吹竹

富陽志

王暨

字文昌四明人慶元二年進士授廣德尉調天台累官中書舍人

村寺題壁

奔馳塵土何時了自歎一官如蟻小半夜覓宿僧家園夢裏聞鶗霜月曉

浩然雅談

邱和

字國瑞崇安石臼里人登慶元二年進士調光澤簿後解綬歸隱

寄從弟善

海上扶桑散曉暉
荷衣共喜換簾衣
浮雲天外弄濃淡
好趁輕陰未雨歸

崇安縣志

葉發

字定叔福州閩縣人慶元二年進士奉議郎

麻姑巖

怪石倚空碧傳有神仙迹
元放古來遊孝先舊曾歷
山前無斷碑往事杳難覓
麻姑去不來青鳥無消息

天台續集

龔日章

福建莆田人慶元二年惠州教授厯江東安撫
使屬官

贈水簾洞黃秀才

攀蘿訪山扉極目窮海表峯疑廬山高巖若盤谷杳
藪臼厯窮凹石樓迫天小水簾雲頂飛丹葉天涯渺
古峒匝蝴蝶閑庭喧百鳥誦聲雜石溜炊烟出林杪
藜燭雖未輝翠屏自環繞內樂屏紛華天機蔑膠擾
虧鹽比膏梁所得孰多少會須擣竹爐一鳴聽鷄曉

裴良傑

慶元二年書蘇東坡潞公德威堂銘嘉定二年

書捨田飯僧記刻石虎邱

遊虎邱

顧我江湖舊壯襄家林終是事塵埃登臨直到秋方
好行樂只因山遠來劙石池邊須笑適花亭月下約
徘徊自慙俗駕非名勝竊恐山靈爲勒回虎邱志

詹師文

字叔簡崇安人以詞賦鳴于時慶元丙辰進士
調婺源尉有捕盜功調江西憲司檢法治獄皆
得其平秩滿歸隱所著有通典編要幔亭遺稿

泛舟

九曲烟霞景若何移舟曲曲泛清波丹峯絕頂籠花木碧洞當門挂薜蘿仙逕鶴翻松露下古潭龍蟄水雲多紫陽去後閒風月獨向平林倚櫂歌

武夷山志

徐錫之

慶元三年與趙普臣江會之同遊鼓山刻石靈源洞見石刻

喝水巖

重巒複嶺鎖松關只欠泉聲入座間我若當年侍師側不教喝水過他山

曝書亭集鼓山去福州府治東三十里達湧泉寺有喝水巖國師安禪於此惡澗水

之喧喝之水乃倒流遂涸旁多宋人題字有徐錫之詩刊于石云云

李呂

字濱老一字東老邵武軍光澤人年四十卽棄科舉慶元四年年七十七卒著有澹軒集十五卷

陪晦翁游玉澗

夜琴響空山臨流水方折老仙何處來欣賞共清絕不知盧仝家還有許風月

送高丞別

名衡夫字平叔

君侯七閩英學問早有餘年時猶未冠鼓篋游上都

文成筆五色四海仰名譽調丞尉江邑有實不願圖
竭來對二松青襟映冰壺粹然眉睫間未變庠序儒
胸中浩然氣固已雄萬夫我窮卧洲渚江鷗以爲徒
屢在高軒過峩冠講唐虞馳騁文史樂時得陪卷舒
瓜代遽及期此情將焉如耻作兒女態揮洒沾衣裾
虎溪豈限我足創方趙趙悵望不遠送搔首空躊躇
所覬善行李早達三山隅安居未容久快作朝省趨
用賢世所急君才應時需願補仲山袞再矢臯陶謨
勿以得失慮行當翹天衢愧乏折籜贈短篇見區區
他時舊交念濶闊寄樵魚

和許尉仙田舍野老有可憐之態壁間之什
乞糴民宵征出糴官夙駕艱食間填壑災星未退舍
七閭况多山厥田惟中下年登穀粟賤还未貪白話
一逢歲不稔大半爲饑者公私久匱乏誰歟可資藉
哀哉南畝農長年服耕稼傾囷了租賦僅逃吏胥罵
東作已無糧貪賒甯論價負逋罄產償求售忘早夜
逡巡生計畫失所安足訝尉仙明達人出語補風化
咄彼兼并家斂衽當愧謝

送吳晦叔赴廷試

我昔游白鶴山川氣雄深邂逅識吾子憂然嘆孤音

日日望飛鳴泗湫迺至今玉美出堅璞木老生喬林
書生未足道聊用慰苦心始駕百斛船挂帆發江潯
破浪當自茲意象殊駿駿天方拓王度清閒虛宸襟
調毫寫胸臆氣力戈錠森荷衣縛異時恐爲寒蟬瘞
江城惜此別風雪作晝陰何以托遠懷酌酒拊劍鐸
湖海氣搖薄激烈愁端侵唯應白雲夢夜夜飛遙岑
追挽游大夫

叔翰

大夫古君子不可今人求蠅營鄙世態貪吟口不休
一朝膺事任卓爾茂勳猷此道今已遠天平公首邱

題宋德器致爽軒

將軍嘯咤風雷生一諾之寵千金輕仰頭看山默不應此段王郎真絕人人言爽氣定何物面目儼然君不識非氣非祲非煙雲可以意了難口說子猷挂笏人笑癡先生作齋人愈疑但知談河不救渴豈信秀色能充饑干峰橫青朝過雨折簡招歸入詩句儻有俗客來扣門爲道我眠卿且去

癸丑季春上洲頽岸出敗冢冢中有埠云元嘉二十二年七月二十六日余功曹冢後世子孫長興富貴宜賒因題數句

八百年前寔功曹身姓余元嘉兩行字敗甓八分書

富貴念猶在子孫今已無癡人不修省視此意何如

以上見

澹軒集

雲際嶺

凌空石磴三千丈匝地瑤林百萬花自有眼來方見
此直疑身已到仙家

全閩詩話雲際嶺北溪水出焉宋李呂有詩云云

姚東

字明仲龍溪人慶元二年進士授長溪簿嘗大旱禱雨民稱爲主簿雨令丞廨被火獨簿廨存人以爲誠愛所格再調保昌丞後以通直郎致

仕

皆山西爽二亭

華亭百尺跨嶙峋照眼風光自吐吞閒數炊烟分聚
落坐收奇觀入壺尊岡巒繞戶雲生袂鏹柝無聲月
在軒更有何人佩黃犧耕鋤已偏落霞村

龍巖州志

黃圭

德化人慶元五年進士海豐尉

宿儀林寺

探幽適興訪儀林休聽春蛙說雨深翠竹黃花新般
若青山綠水舊知音禪盟蘇晉情相契酒戀淵明醉

且斟此去雪峯應不遠肯容杖履謾相尋

德化縣志

太湖山

一帶迴環底處山勢如飛楫下平川須知欲到菩提岸好是常懸般若船纜向龍湖宏利濟撐從苦海度人天當年普照如乘此無復鬚巾撒向前

同上

倪翼

號澹齋羅源人慶元己未特奏名官潮州秋曹與太守爭一死囚不遂其意拂袖而歸調口寧丞不赴掛冠歸朝廷嘉之特賜紺進秩奉議大夫年八十餘卒

作詩寄太守

三尺有關人命重一官雖去我身輕

羅源縣志

張銜

字周甫一字用叟羅源人慶元中爲太學生與同舍生楊宏中等六人上疏觸韓侂胄怒編管五百里外後赦還用蔭奏補授官嘉定元年十月詔褒錄慶元上書六次後知韶州

聖水寺

聖水山南蓮萼輝徘徊花下蝶雙飛春風助我晨遊

興月上層巒照拂衣

羅源縣志

呂祖平

慶元間知仙遊縣

縣學秋試

細雨輕寒弄曉晴紛紛鵠立擁書齋廣庭贊欲先耆
艾小試聊煩喚弟兄韞櫝此時增玉價傳家有子勝
金籜雞蟲得失能多少也聽春蠶葉上聲

興化府志

宋詩紀事補遺卷之六十

男內閣中書樹屏校